



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一八八

學齋堂詩稿九卷 王崇炳 撰

一

學齋堂文集七卷 王崇炳 撰

九七

無依道人錄二卷 徐昌治 撰

二一三

禮山園詩集十卷禮山園文集八卷禮山園文集後編五卷

禮山園文集續集二卷 李來章 撰

二三九

青緗堂詩六卷 陸 淹 撰

五四五

學耨堂詩稿

王崇炳
撰

清雍正刻本 原書版框高一七二
毫米寬二六六毫米

王崇炳 字虎文，浙江東陽人，世居東陽鶴潭，人稱王鶴潭。生於順治十年（一六五三），卒於乾隆四年（一七三九）。三十歲廩生，六十五歲貢生。雍正間，主講麗正書院，講學藕塘書院。乾隆二年，薦舉孝廉方正，以老辭不赴。年八十七，無疾而終。誦習群書，篤志理學。生平誼重桑梓，以纂輯金華文獻爲己任，兼工詩古文詞。有《金華文畧》、《金華徵獻畧》、《金華頌古詩》、《朱子性理吟》、《學耨堂詩稿》、《學耨堂文集》等。參考文獻：《清人詩集叙錄》卷一五、《學耨堂文集·序》、《王鶴潭先生傳》

學耨堂詩稿

學耨堂詩稿

詩本

以詩觀詩則詩易以道觀詩則詩難人能言
其中之所有不能言其中之所無亦不能諱
其中之所有不佞二十為詩三十學詩四十能
詩然能為易而不能為工至七十猶故吾也
於中亦有微覺其進而不能喻諸人者壬寅
至四明訪友類多倡和欲刻為一帖兒輩以
為不如檢平日所為詩擇其精者合刻之
一開卷則束髮故人不勝存歿之感存者當
留歿者亦難恣置故此編凡六卷壬寅以后詩錄
十之五壬寅以前詩錄十之二其所去取止能叙交
不能擇詩然揀詩一念起於見美見美一念已
失詩本苟有美焉雖一言半句皆足見之苟無
美如中人享客即大排筵席不過家常土產
倘道眼觀之則百醜並出即法眼觀之亦多不
入詩律又何美之可見然其所有已盡見於此

鶴潭王崇炳自序



清代詩文集彙編

學賢心詩稿

鶴潭王崇炳虎文氏著

男 國璽 左較
皆張世儒

卷一

和高伯祖臥雲先生古詩十首

觀過 悟昨非也

萬物無靜態人心無停思騰逸捷如馬失御胡可追
坐此片念妄常抱岐路悲我觀古君子理心如理絲
寸寸經檢擇以至入扣時老農治園圃草生農不知

學齋堂詩稿

卷之一

一

若云昨日是定知今日非所以古人心時時有鑑基

知復 求反本也

明月出滄海皎皎無纖塵陰雲忽然聚清光竟沈淪
我欲叱海若汗漫洗秋旻驅雲出四維還此孤月輪
人心亦秋月湛寂常不昏萬象立可觀一機圓如神
苦爲物欲牽憧擾喪天真至人有真訣敦復戒其頻

立敬 以直內也

人身有天君群邪伺其側坐使精明府乃爲諸妄宅
卓彼古君子自強而不息方寸常惺惺動靜必有則
凝斂身秋霜皎若中天日百醜無潛形矧敢抵其隙

宇內不嚴君萬物皆歸極所以聖門學主敬爲第一

由義 以方外也

大道直如矢車馬何鄰鄰上聖導我前賢者追其塵
旁趨盡岐路來往交朱輪履錯古所戒正軌吾當遵
宣尼有密室衆美難具陳魯國三千士門外半途巡
巧者求捷徑因之隋荆榛告君由是路過此好問津

懲忿 戒一偏之激也

三敗激秦穆一笑怒卻克萬衆骨已灰兩人恥未雪
細人昧泰山瞋目爭毫末涓涓成江河睚眦爲怨敵
小則構訟師大則破家國哲人在知幾處已有善術

學齋堂詩稿

卷之一

二

常持三反心戒此一偏激我心超物我胡粵皆同室

室慾 杜衆惡之原也

賈胡不愛腹剖藏明月珠腹剖珠何有千古笑真愚
胡云弗我笑諸君不我殊食色藏機穽安樂伏錕鏑
總是藏珠人千古一胡盧人心有嗜慾蓋與血氣俱
片念生兩莢斧柯卽須臾安得并州刀爲我翦根株

閑家 立家範以貽後也

風自火出處正家在脩身何以樹厥範尊尊與親親
嘻嘻不可爲嗃嗃傷天真至人立中道仁義卽經綸
族姓云衆本源無二人憂樂相關切云胡成怨嘆

虞史志親睦周詩歌雖麟生不敦九族何顏對先民

緣俗 因人請以安時也

大舜居深山水石與爲鄰元聖與尚父夔屈在風塵
當其耕釣時豈曰名世人模稜不可爲圭角非所珍
其鄉有君子百物皆懷仁方中圓其外和氣藹如春
遠近薰良德怡然類飲醇請觀魯中叟居鄉何恂恂

澠官 欲行其所素學也

瞻彼草茅士氣骨何權奇致身青雲上功業亦卑卑
蒿日嘆時事章服喪先衰壯行爾無具幼學誠何爲
芝蘭變蕭艾虛名衆所嗤古人有真性忠愛淪心脾

學耨堂詩稿

卷之一

三

既効致身節豈因貴賤移卓哉臥龍子盡瘁果吾師

希聖 克勤以完秉彝也

指木以爲火人皆笑其愚火出見木性是木總不殊
萬古如漆室一燈出真儒我欲踵其門分光照吾廬
索之不我與指我明月珠此珠在爾腹晶瑩與生俱
明可燭千里永不憂迷途告君常拂拭弗使光模糊

宅舍諸景 有序

予居東西二溪間其前曰雙溪淨勝寺當其
北谷曰合浦寺突而爲洲曰鶴洲其川曰麗
川障於西溪之北曰北山庵於南涯駕木爲

橋以通往來予讀書此庵十餘年所非甚風

雨時時登北山大山居南曰巖梯巖梯之陰
表千尺之松以爲廬卽予宅也予日與此間
山水周旋而無詩毋乃使山靈寂寂笑人爰
是各標題目輒成長句得九章焉

雙溪

東西雙澗共澄鮮會合環流宅舍前灘漲驟高前夜
雨天晴孤出隔溪烟春深牧犢遊成隊日暖鷓鴣晒
滿川渡口風湍船到少村途處處野橋連

合浦

學耨堂詩稿

卷之一

四

浪長灘喧晝日間魚標插處有閒雲綠沈潭影諸峰
合青突汀砂二水分樹暗小橋通巷陌人逃芳草到
鷗群是中有豪梁興迢遞輕風散錦紋

麗川

一川好景午晴初佳氣氤氳畫不如白鳥穿烟歸浦
澈青虹截雨入村墟春深水木清無價草輭牛羊樂
有餘不見綠波垂釣叟乘桴來往似憑虛

鶴洲人村

數家烟火自爲隣遙舍青松間綠筠勝日溪山如白
社前草冠服似秦人花風獻歲邀佳客禾黍登場賽

清代詩文集彙編

四

土神是雨晴寒食節碧桃瀟灑武陵春

淨勝寺

古寺千年歷廢興先人捨宅味伽陵風消野渡聞清
梵月暗禪關見遠燈春晝錦屏誰克畫臘天瓊樹亦
歸僧松筠十載予爲主身在香臺最上層宋神云春
畫則花作
錦屏臘天則
雪爲瓊樹

北山

孤嶼斜橫黛色濃書樓北檻恰相容一林秀石堪呼
丈大半蒼松欲變龍結榻最宜當淺谷築亭還擬買
高峰坐臨春水觀魚躍山靄層層落鏡濃

學齋堂詩稿

卷之一

五

鶴橋茅庵

鶴橋西畔帶風潭咫尺書樓聚塵談破夢有時聞水
鳥看山終日見烟嵐溪頭明月僧同酌竹裏幽燈我
獨參解道他時論出處數株松下小茅庵

巖梯

層層高嶂曙光分樵斧相尋日幾羣上嶺汗流千級
雨下山足踏一梯雲泉飛白雪飄烟竇松帶蒼嵐向
夕照策杖尋花登絕頂數聲清嘯下方聞

宅畔喬松

斷紋剝似龍鱗百尺凌空入杳曼疎韻暗飛過北

里青陰低結借南隣風霜歷練能堅骨烟雨離披爲
寫神歲月已深成一柱當年誰是種松人

劉孝標講堂

幽洞丹霞色劉家舊講堂古風被岩壑文彩照齊梁
石老書臺在苔深墨治荒虛名落人世我輩挹餘光

知者寺

大屋梁朝寺真僧蕭帝師緣筠進欲遍明月到無時
看碣悲塵劫登堂禮大慈禪家愛真色秋入海棠枝
過許司馬別墅

名園迢遞竹千竿邂逅經行一倚欄
學齋堂詩稿 卷之一 六

入賜書堂在古苔寒江湖歲晚尚書臥桑梓恩深父
老歡幾處芙蓉臨水岸不堪花在暮秋看

西施亭

疎竹幽亭是苧蘿遠峰落日淡秋波佳人一去風流
盡故國依然倚棹過伍相孤忠埋碧血夫差暮齒殉
青娥而今吳越皆爲沼州水蒼茫見雁多

趙耐菴老師輓辭

手把遺編掩淚頻典型想像一傷神燕京鞍馬青山
盡滇海風霜白髮新講席攀權如昨日夜臺歸去已
經春西湖卽是西州路腸斷蘇堤不見人

山行

衣裘沾濕陟榛菅石瘦霜清野菊斑
蹬道忽盤青嶂外樵家多在碧杉間
天寒菽粟樓高隴日暮牛羊下
淺山谷口無人雲確寂一溪流水自潺湲

樵蹊繚繞走脩蛇萬壑千巖似若耶
空翠濕衣疑是雨異香襲袂不知花
兒童秋摘霜前栗婦女春收澗底茶
行到水窮疑路盡過山又見兩三家

謁故邑侯陳公蟠海祠

碧眼蒼髯骨相奇端然不動舊英威
笑同河水清難見判出南山重可移
到日有人言欲殺卽今憑樹寄

學耨堂詩稿

卷之一

七

謳思城狐白晝行當路不敢經過大令祠

郭貞女

貞女名媛爲徐應麟妻
未字夫死終身不嫁

上清淪謫偶爲人白髮依然未嫁身
枯柏有心原似石古冰爲骨不知春
庭闈自供甘肥具桃簞相隨刀尺親
試語梁間孤燕道漫將紅線拂花塵

家慈七旬初度郡城志感

迢遞花風到牡丹北堂慶節值春寒
正逢學使衡才迫欲反庭闈上壽難
百里關山爭兔角十年燈火愧熊丸
暗思甘旨終身養不及全家此日歡

冰壺洞

氣候無冬夏珠宮似覆花澗聲清比玉石
色冷浮霞春入窺天管泉容泛月槎
出山問樵叟恐失故吾家

五峰書院

真儒絕學寄名山披拂遺風萬象開
新建祠幽寒籟寂考亭書老古苔班
人間原有仙凡界吾道中分夢覺關
黃菊青筠引歸路水逢源處可無還

山家

竹裏山家覆白茅望秋紅葉點山坳
乳雞引子穿籬竇鼯鼠驚人擲樹梢
田東芻靈防野獸風鳴鈴柝擊空匏
村翁愛客陳兼味炊芋烹瓜佐酒肴

學耨堂詩稿

卷之一

八

贈李元公先生適造訪不值

一卷離騷酒滿卮白頭情興似櫻兒
倚牀無事頻看劍擁被閒眠忽有詩
老去烟雲驅使健興來山嶽欲教移
青峰百尺茅堂在知是秋風未破時

八詠樓

郡樓俯壓大江雄郭邑參差四望通
林壑遠連三洞色人家半在五雲中
橘洲細雨漁舠浪官驛輕寒酒旆風
夕鴉曉鴻雙寂寞一簾秋色水花紅

步韻酬駱君嚴時初除服

海燕營巢盡向南溫寒世味久方諳
心經哀樂魂初

定春入關山意亦愁一瞬乾坤成老大十年風雨憶
清談居逢明聖渾忘耻獨倚高樓看曉嵐

伍相祠

子胥悶悶橫劍死扶目吳門怒濤起天地噓氣爲不
平千秋遺憾錢塘水黃池旣霸越人來果然姑蘓遊
鹿豕悲哉伍相何英雄一生都在艱難中出關齋憾
無所向鬚髮爲白身羈窮吹簫乞食遊吳市蘆中之
人貧至此退耕因進專設諸魚腸計就遂破楚玄黃
血戰江河流豁然一雪父兄讎奇語山中謝良友逆
施倒行母予尤鞭尸處官頗無禮子之報讐真過矣

學耕堂詩稿

卷之一

九

入郢感越功正成吳之無極又生語

中秋得月偕龜峰諸子卽席

寒空不放片雲生難得中秋一夜晴海氣初乾推月
出桂輪如洗照人明素輝入酒金波動冷艷浮花玉
露清朋舊論心當此夕高談飛作步虛聲

題橋頭寺壁

倚劍峰寒啼暮鴉橋頭莊外野情賒青楓忽變霜前
葉黃菊初開雨後花八月歸雲驅雁影三秋清景在
僧家空庭獨步詩懷放粉壁親書記歲華

石洞書院拜朱文公遺像

今古相看五百年影堂肅穆典型懸容和氣定人無
語雲淨風消日在天講席幾爲勞夢寐名山何處叩
心傳江邊昨夜春波動日暮還乘子靜船

壽鹿峯蔡夫子

寒月晴將白髮晞莊椿居士木綿衣怡情麴蘖違時
俗放眼乾坤有是非谷口新霜秔稻熟村西小雨晚
菰肥群書貯腹全高尚莫怪生平述作希

秒秋偕金玉汝徐庭宣遊經破寺登古墓葉趙
珍以壺榼至

入谷穿松石徑微蔓藤衰草攬秋衣諸天忽已成砂

學耕堂詩稿

卷之一

十

初杯土何勞論是非朋舊壺觴人正倦山莊烟火客
將歸追遊最有同心樂仰見霜禽結隊飛

臘月郭方遠先生招飲石洞偕龜峰諸子

竹裏行厨醪酒清攀歡真透歲寒情壺觴入峽天光
湛草木經霜石勢橫列坐覺來冬日暖卽杯莫放玉
山傾考亭一席前朝事翹首高山愧後生

別李錫之

北雁聲喧向曙聞殘年風雨悵離群疎牕不隔南湖
樹講席平分石洞雲山徑霜葩秋采實竹爐寒火夜
論文看君粹質如良玉稅駕途長日未曛

吳叔簡先輩九十

角里衣冠鬢皓然，幾回搔首看桑田。一門豪貴尚書履，諸子清華幕府蓮。盤馬東山猶矍鑠，題詩洛社自聯翩。子牙已過爲霖日，釣艇淹留又十年。

悟長老示遊天台詩書贈

玉京春曉帶晴暉，草沒劉郎舊路微。啼月神雞喧佛界，眠花仙犬嗅僧衣。石濤捲雪三千丈，海日沈波一十圍。如此佳山那可別，詩筒裝入杖頭歸。

題章素巖經歷東籬雜咏

衙舍秋深白露溥，東籬黃菊正堪餐。簿書不礙松風夢，經歷今爲騷雅官。薄俸頻支供釀酒，新詩脫手似彈丸。折腰亦是風流事，只作行歌乞食看。

學耨堂詩稿

卷之一

士

夢經歷今爲騷雅官，薄俸頻支供釀酒。新詩脫手似彈丸，折腰亦是風流事。只作行歌乞食看，過松谷厲爾儀表叔山齋賦贈。

領黃花紅葉一山秋

蒼眉黃髮雉中仙，白疊烏巾步履便。節物不勞頻看曆，庭花開落自成年。

宜人日色喜冬晴，古木經霜分外清。歌曲不須樊素口，畫眉語似隴山鸚。

煖室新塗日氣融，手移花木避霜風。寒梅漏洩春光

早亞鉢青梢孕小紅

碧嶂千尋波底痕，山園終日閉柴荆。主人一覺清眠後，花譜茶經自討論。

選得寒梅八九株，清奇形似列仙癯。襄陽米老如相見，誤拜還將石丈呼。

李微定翁

汗渠不可飲惡木，非我林湛湛霜天。月流照介士心，微盧絕塵軼高風。濯靈襟煖，隱映虛白束帶彈鳴琴。疏絃激清響，磊落無細音。斗柄倒垂戶，俯仰歲載陰。荒烟冷土竈，莞爾一長吟。自非箕穎侶，未許相追尋。

學耨堂詩稿

卷之一

士

青苔僧舍作

何年給孤叟，築室翠微中天。別千峰合溪迴一徑通，酣紅洗花雨駭綠下山。風境靜堪招隱，連村青桂叢。今日山寺卽景。

山中風日煖，十月未成冰。瘦骨同餓鶴，齋心似野僧。爐中燒葉火，牕下讀書燈。久病知安分，迂愚不自憎。草木寒更落，群葩露本真。松根漏龍骨，麥畝次魚鱗。物候將除舊，天工欲布新。病夫喜晴景，朝日助精神。薄倚山樓望，蒼茫暮色昏。青苔烟外岫，紅葉雨中村。樵子方趨路，僧家早閉門。如何求食鳥，猶自遶籬根。

冬夜鳴蟲息悠然色界清桐疎通月色竹密助風聲
山響僧歸院天寒雁轉更客樓人不寐默自數平生
贈若愚長老

學隱此停錫平泉得舊莊若愚居葑園李氏之別墅也定生梧竹

運詩出筍蒲腸松鼠猶茶沸山峰竊飯香以愚爲世
號世或號智囊

豫樟千尺起掩映一牕陰終夜常疑雨開門落葉深
練形野鶴瘦啐咒水龍吟不作禪僧語悠然出世心
箸笠懸空壁香清半榻烟秋山老僧骨風月散人緣
薄飲催詩酒深耕種芋田名園殘墨洎引水養青蓮

學梅堂詩稿

卷之一

三

結廬來此地綠竹已成帷高閣縱清眺寒山正落暉
蒼苔侵草履紅葉點秋衣月出林塘暝人家應供歸
臘月大雪李允佐以豚肩尊酒見遺對使裁謝
北風吹長空雪花大於手庭戶紛飄飄鴻門碎玉斗
山門晝日閉白雲封谷口忽聞剝啄聲故人致尊酒
酒味清而溫嘉肴旨且有一酌面發紅酩酊兼辰酉
作客冬已殘寂寞類禪叟酒力耐風宵寄念情何厚
聊將歲寒心持以謝良友

和韻酬剡溪僧啓南

剡水來禪叟穿雲一百重氣高烟島鶴骨古石橋松

客途晚景

庭笋已分綠園梅欲變紅誰知江海客於此得相逢
暮色蒼黃影漸長無風氣冷欲成霜數家烟火通林
杪一帶寒蕪負夕陽伴晚行人頻顧僕過橋市店各
招商年來我已能齊物負販何妨亦對牀

壬午歲除

送歲梅花放小園驚眠爆竹四山喧殘書按卷添新
部嫩菜分芽薦老盆且喜官租停宿課敢將私負索
隣村一年結局更深酒功過從頭自討論

胸中文字貯紅陳老作鄉村溫飽人德業增添無半
學梅堂詩稿

卷之一

四

粟貲財積累得微塵過年肉米資朋友餽歲糕餽謝
里隣明日整衣還聚拜一春風景又從新

新年

催春小雨灑花枝青帝東行日御遲綠攪寒蕪迴草
色碧浮晴漲帶流澌新年已隔承顏樂壯歲虛存捧
檄思凝着麻鞋石橋去瓊臺雙闕有前期時將有天之遊

暨陽江舟行雜興

雨歇江風細開帆正此時同艙皆好友得句或呼兒
沙市晴方聚秋潮雨亦奇連村桑柘暗知有八蠶絲
臥遊煩應接天氣正微和澤國米鹽富秋村菱芡多

舟遲逢市泊橋壓卸帆過莫倚資忠信風潮湯湯波
林處士宅

古木青蘿繫釣船水樓掩映芰荷烟卽今處士門牆
峻日見常關啓閑度疎影每勞園吏護編衣亦食大
官錢一輪清淺明湖月不照寒籬照管絃

壽郭大猷先生八十

俯仰無慚八十春常將恬淡浴天真胸懷磊落居移
氣面頰豐融德潤身風月一軒聊足樂圖書千卷未
爲貧年高德邵爭先見陌上行遊認角巾

酬徐友汝彬

學耨堂詩稿

卷之一

五

水閣山房共一編青鬚忽漫染霜烟人同伯玉知非
日心愧堯夫樂道年海岳有期身欲老松風不斷夢
依然只堪圖作烟波叟綠箸滄江坐釣船

范少伯祠

治越他年不是吳陶朱到底失良圖當時若也存亡
國何必扁舟客五湖

越城偶吟

寒食山中各掃墳杜鵑啼雨欲黃昏移家都在扁舟
上雙槳歸來直到門

謁禹陵

夏后東巡竟不同衣冠藏處有高臺乾坤無改功仍
在玉步頻移德未衰野火入陵能化寶水銀歷劫總
成灰只今惟有稽山壟常見天家驛騎來

可園十詠

有序

予至可園不啻一而再三而四矣山川草木
如逢故人緣是各標題目共成五字截句者
十併示唐存素思臣文度賢伯仲留之以見
予之不忘茲園如是

來青閣

遙山無限青我欲延之入曉來閒細雨浮動烟雲色

學耨堂詩稿

卷之一

六

嘯月臺

臺高得月多松陰涵寂照幽人每孤往披雲忽長嘯
紅雪徑

桃花似紅雪霏霏散香塵莫教隨水去恐有武陵人

流杯澗

輕杯浮淺綠隨風任所之清醪沾有分杯至君莫辭

澣花磯

臥石類釣磯小立吾當省誰將萬頃泉濯出青蓮影

浴天池

天影蕩深碧池波忽成紋太虛本無色爲我澣浮雲

清代詩文集彙編

一〇

雲臥石

穀城一片石云是圯橋翁何時化奇雲飛隨此山中

暗香墅

疎籬護寒花黃昏花影寂有時聞暗香柴門閉深雪

綠玉塢

看竹入脩塢參差列寒玉山人白接羸柴出湘痕綠

秋香亭

亭桂叢青靄飄香自有時山中富金粟吹上秋風枝

青霞洞

補可園二題

洞古苔色奇青霞蒙紫霧石橋欹晴虹好記來時路

學樞堂詩稿

卷之一

七

閉讀園

柴門臨澗閉山曉見松竹天靜聞書聲有人應下讀

客有以李伯時西成行樂圖相示者雖真蹟未

辨而墨法精妙冠絕流輩稱佳作矣因志以

詩

一翁前行髯而頤白犬遶足小於狸鐵鈴在項繫以

絲翁則啖藕行如疲後有一驢雙牛隨驢載少婦牛

媼騎婦婉而媚強其見真色不着粉與脂兒目在母

將乳之母方哺兒驢行遲俯首嗅地蹄跑泥色如銀

褐耳竹披與牛接武行參差大牛博碩如廟犧小牛

牯口不堪犁大牛駝媼穩不敬黑中裏頭低沒眉淺

藍布襖裙半垂白足不忌行人窺旁有童子媼所携

偷啖雪藕毋不知顧母索笑相娛嬉人牛戀母各不

離小驢在路忽誤遺一翁驅之忙奔追烏巾在首防

風吹連鬚裏之堪解頤平俗在手行敬危時和歲稔

梁如莢行樂正值秋風期移家在東村舊收穫已

竟歸門基囊襪瓶帶各自持此卷落墨何精奇得髓

豈止肖其皮誰其作者李伯時幽風彷彿移於斯我

將易之囊無貲展玩竟日頻嗟春收卷還客志以詩

歸家二首

學樞堂詩稿

卷之一

大

再熟蠶登薄桑柘采還稀平疇交晚風新秧綠初齊

穉子候籬側遠客望門歸家人顧我笑怪我歸何遲

道路悶開梁風雨阻程期酌我以春酒爲我洗塵苗

閒軒理書冊當戶網蛛絲我行殊未遠寒暑忽逾時

牛塲列後圃雞柵對前墀生性安樸陋所厭不在茲

高朋勞枉顧林下忽成蹊相見敘契濶誦我薄遊詩

山妻具餐飯罷織起蒸藜

半載始一歸整衣拜宗祏兄弟各招呼欸曲雞黍食

杖策閱禾稼新水滿阡陌谷鳥鳴庭柯翩翩好毛澤

昔我出門時柔桑未吐葉歸來蠶已成新絲縷白雪

賣絲糴舊穀今年適無麥曰予守先疇饘粥幸無缺
獨憾少贏餘分供里隣乞依依桑梓情真樸皆可悅
蘭溪得吳沛生書如東邑歲豐却寄

明河如練月來初白雁南飛慰索居爲客擬問鄉縣
事開函喜見故人書纔憂羅貴民爭食難得年登稻
滿畦一雨新涼買歸棹故園泥露剪園蔬

先君九十誕辰

昊天哀感思難禁九十誕辰又忽臨廿載始完窀穸
事一經莫遂顯揚心情悲魚鮓供追養淚落松楸憶
過庭但願共敦棠棣好瞻依一體受恩深

學耨堂詩稿

卷之一

尤

乙酉春重下帷五峰僧舍

寒勒花期柳未舒疎蓬當戶着霜餘清齋淨掃人初
到叢竹蒼森我舊居一壑盤桓難就隱十年著述未
成書徒將歲月供高臥抱膝深慚住草廬

送李紫翔之任曲江

候吏迎新令蠻溪入畫船江山留勝迹前輩有高賢
海暗鯨人室春晴蛋戶烟官衙動清嘯白雪破南天
屈指之官日南邦正火耕荔枝青入署榕樹碧圍城
島語蠻鄉異霜顏治譜清紫翔高祖青州公爲名御史無令始與
相獨有曲江名

學耨堂詩稿

客路逢寒食星軺聽子規官臨無雁處人到看花時
敷政諸方異推心百族宜高堂有垂白臨事但三思
莫以詩名重逢人白眼看君才倚馬易吾道割雞難
大吏司操切窮黎望治安慇懃追送意江路正春寒
壬辰仲春適予六十誕辰戒殺旣久理難享客
避居五峰僧舍齋心靜坐偶覽陳拾遺感遇
詩援筆屬和聊托鄙趣云

大塊浩浩茫遊氣積高廣群物充其間奔趨日執掌
後者日以來前者日以往人心互攻取相將隨迷罔
聖人建皇極八表共開朗而我積年歲碌碌慚俯仰

學耨堂詩稿

卷之一

于

物生各有性事至必有機吾年已周甲每覺前軌非
至人秉道要動靜理無違行雲共流水魚躍與鳶飛
新春初變節草木漸芳菲政將松柏顏傲彼桃李輝
曦和不停轡日入衆星出五曜何煌煌周環拱辰極
人心萬事樞一理妙不測如何自蒙蔽甘受衆形役
昔爲美少年忽爲衰朽質團圓玉蟾蜍不改太古色
玉衡指仲春八表皆齊晷池魚不孤遊飛鴻自成侶
嗟予老窮巷寥寥寡所與水木澹晴暉花風結幽緒
豈無濟世心素業在桑梓天命本無私聊與麋鹿處
我欲撫長劍登嶽覽八荒陸行無車馬水行無舟航

悠悠年運徂不覺鬚眉霜牛馬受穿絡濟世各有長
蕭然抱遺籍空山一草堂松杉漏明月挹彼露上光
黃帝遺玄珠赤水深不測離朱喪其明乃爲罔象得
得之敢自私願以振邦國九重鬱崔嵬無由獻所獲
持此遺何人撫懷長戚戚

太虛浩無垠乾坤盡包藏日月互出沒列星各居方
神理無定軌道變理則常浮沉與來往何人握其綱
良由一氣運不用相扶將有物室清虛造化必有妨
願子恢天遊釋彼六鑿攘

玄冥司北政百物皆摧折一陽萌重泉黃鍾應鳴律

學耨堂詩稿

卷之一

三

盎然一氣春須臾遍六合庭艸變黃芽池波回綠色
群動皆懷生融風襲寒鐵至誠有開感千里在頃刻
舞雩高鬱鬱沂水流涓涓勝景儼然在真趣何人傳
濂溪與明道妙契千載前春雲映簷宇庭草綠無邊
優游玩墳籍不隔風月緣謹從戒謹地遊彼飛躍天
麟書既絕筆是非失其平考亭弘孔道提挈輕重衡
持世固有法貴原法外情一字掛青簡千古不得伸
天地有大德其德曰生生仲尼美匡合肫然胞與情
六籍既宣朗宇宙亦昭融下則立人紀上則亮天工
盡歸討論力孰識草創功努力事所好弗復爭異同

大道久淪喪人皆懷其私屠兒詭墨翟莊躋薄原思
藻設賢聖面高置程卓貴舉世盡如此淳古終何期
願言守幽抱弗爲時俗移

吾祖文中子希聖得其胎軀起汾晉間吹噓六籍灰
思弘湯武業懷抱伊周才鳳彩有時見龍德豈終埋
獻策雖不遇泰運藉以開後儒存刻論公道安在哉
南方有英儒遺世而獨立頭戴玉臺巾手弄江門楫
高曠顏孟情灑落周程則出同翺鳳翔隱似神龍蛰
我欲從之遊苦爲時代隔羅浮烟雨中夢寐常相接
吾師陽明子覺開萬物先提挈良知學弘啓曾孟傳

學耨堂詩稿

卷之一

三

道則奇而法行則方以圓誠至必有感執贊半朝賢
嘵嘵各相訾或恐昧其天
周孔既已遙真儒淹山澤漢唐與宋明皆資雜霸力
大亂藉以平藝倫藉以立雖非純王治皆分參贊績
不有濟世才孰彌宇宙隙
儒者無顯效委任亦不專徒資議論力操縱造化權
陰扶與默奪功在刑政先空言無實用持論毋乃偏
人事有補救天工詎能全

端居觀元化剝復互相倚生當泰階平遭逢堯舜理
道久治化成近世無與比至人握魁綱萬事得其紀